



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Priori Ecclesiae S. Nicolai de Monte secus Narniam constitutae.

urn:nbn:de:hbz:466:1-20006

P R I O R I E C C L E S I A E
S. Nicolai de Monte securus Narniam
constitutae.

*Epiſt. 342.
Deprivilegiis
& immunitate
illorum.*

EA quæ sunt juris beati Petri, & ad Romanam Ecclesiam nullo pertinente mediante, sic teneri volumus & servari ab his qui ad eorum sunt custodiam deputati, ne occasione qualibet debeat in posterum ipsi Rom. Ecclesia aliquod præjudicium generari. Cum igitur prælibata Ecclesia beati Petri juris existat, & in ejus sis regimine constitutus, ad exemplar felicis recordationis Alexandri, Clementis, & Celestini prædecessorum nostrorum Romanorum Pontificum præsentibus tibi literis inhibemus, ne de ipsa Ecclesia nisi nobis & nostris successoribus respondere, aut eam recognoscere ab aliquo, nisi de mandato nostro vel catholici successoris nostri, præsumas. Prohibemus etiam, ne quisquam eandem Ecclesiam violenter intrare, aut ejus possessiones & bona diripere, seu temere audeat perturbare. Præterea tibi concedimus, ut bona ipsius Ecclesiae, quæ ab aliquibus detinentur in iustè, licitum tibi sit legitimè revocare. Ad indicium autem hujus perceptæ libertatis Ecclesia ipsa Romana Ecclesia libram ceræ quo-libet anno persolvet. Nulli ergo &c. Dat. Spoleti VI. Kal. Septembri.

E P I S C O P O Z I D D E N .

*Epiſt. 343.
Ut Siculum ar-
met ad bellum
factum pro re-
cuperanda terra
sancta.*

CVm te credamus immo teneamus pro certo pro subjectione terræ nativitatis dominicæ fideliter hactenus laborasse, ac certum nobis existat quod adhuc super eodem laborare diligenter intendas, sollicitudinem tuam venerabilibus fratribus nostris Tranen. Archiepiscopo, Episcopo Cupersanensi, & dilectis filiis Abbatii de Floribus, Priori sancti Andreae de Benevento citra Farum, venerabili vero fratri nostro Syracusanensi Episcopo, & dilecto filio Abbatii de San-bucin. per Siciliam, ad proponendum verbum Domini, pro liberatione illius terræ in qua sterunt pedes ejus, & ubi Deus Rex noster ante secula nostram dignatus est operari salutem, venerabilibus fratribus nostris Archiepiscopis & Episcopis & dilectis filiis Comitibus & Baronibus, Consulibus civitatum, & populis per totum regnum Siciliae constitutis, immo ipsi & carissimæ in Christo filiæ nostræ illustri Imperatrici duxi-

mus adjungendam; ut tanto libentiū vestrum verbum recipiat ab omnibus, quanto propositum fuerit cum majoris devotionis affectu, & exilium tuum terræ sanctæ detentionem & paganorum barbariem, qui nec ætati nec ordini detulerunt, mentibus omnium representando impressus sigillabit. Qualiter autem terræ sanctæ per fratres nostros & nostra disponuerimus subvenire, qualiter & quem ad reformandum inter carissimos in Christo filios nostros Ph. Francorum & R. Anglorum Reges illustres veræ pacis concordiam, vel treugas saltē usque ad quinquennium statuendas, & exhortando fidelium populos ad obsequium crucifixi, quem de fratribus nostris Pisas, quem Iauam, quem & Venetias propter hoc duxerimus destinandos, quam remissionem his qui Christo exuli & exterminio Hierosolymitanæ regionis in personis & rebus, & vel in personis vel rebus subvenerint, concedamus, & quod eorum bona sub nostra protectione suscipiamus, eos à fœnatorum instantia relevantes, tibi & prædictis sociis tuis ex forma literarum communium poterit manifestè liquere. Accingere igitur, & assume non nostram sed Domini cauam. Sonet vox tua in auribus omnium, necessitatē terra orientalis, exilium Iesu Christi, causam scilicet tuae legationis, exponens; & cum prædictis vel eorum aliquo, aut etiam solus, si ipsi vel noluerint vel non poterint interesse, taliter quod tibi & ipsis injungitur exequaris, ne appareas in conspectu Domini vacuus, sed ad Hierosolymitanam provinciam multa stipatus militia cum Legatis nostris & ad aream Domini cum exultatione cumulatus manipulis revertaris. Datum Spoleti III. Kalend. Septembri.

E I D E M .

AD solicitandos fidelium populos ad obsequium crucifixi, ne videamus liberalis Domini dispensatores avari, præter remissionis gratiam & apostolicæ protectionis præsidium, quæ ad terram nativitatis dominicæ proficiscentibus vel ei subvenientibus indulgemus, gratiam oportet nos facere in aliis etiam speciale; ut tanto libentiū itineris Hierosolymitani onus assumant, quanto se amplius viderint ab aliis oneribus relevari. Eapropter, ven. in Christo frater,

*Epiſt. 344.
Ejusdem plaz
argumenti.*